



Անի . — Ani.

պարսպք պատեալ և ամրացեալ է այն . և է չափ ներքին շրջապատի եռանկեանն իբր փարսախաւ միով (կամ 4100 չափ դաղղիական) . երկայնութիւն քաղաքին որ ըստ արեմտից հարաւոյ մղոնաւ չափ է կամ քառորդաւ ժամու ճանապարհի , լայնութիւնն կիսով չափ և նուազագոյն ևս . որով յայտնի լինի անձուկ դու տեղւոյն և անբաւական համբաւելոցն 'ի կարգի առակաց 1001 եկեղեցեաց և տասն բեր ապարանից . բայց եթէ ներքին քաղաք զսա համարելով և 'ի հիւսիսոյ կողմանէ մասն գրելով նմին և 'ի մէջ փակելով զհամանուն քաղաքին զգեօղն Ա՛ի որ մղոնաւ 'ի վերոյ կայ , և զայլ սահմանս : Ոչ է յայտ ժամանակ առաջնոյ շինութեան քաղաքիս և անուանն հոմաձայնի կամախայ Բարձր Հայոց (61) , բայց Թուի բերդ լինել անգտնի 'ի Գ դարէ , յորում Տրդատ արքայ պարգևեաց զՇիրակ տանն կամարայ . և 'ի կամարականաց պայազատեցին Բագրատունիք յԼ դարու . յորոց նախ Աշոտ Մսակեր իշխան յամին 783 ամրացոյց զտեղիս , և յետ երկերիւր ամի Աշոտ Գ արքայ՝ Թագաւորանիստ արար իւրոյ սոհմին հարըստութեան , և ամ զներքին պարխպ քաղաքին յամին 964 , և բրգամբ և եկեղեցեօք զարդարէր . բայց որդի նորա Սմբատ Տիեզերակալ յետ հնգետասան ամաց (յ՛980)՝ անդրագոյն ևս պարսպով ընդարձակեաց և կրկին պարսպափակ արար զհայրենի շինածն . իմա ըստ հիւսիսոյ անկեանն՝ յարևելից կուսէ ցերան Ծաղկոցաձորոյն , ուր և ցարդ երևին հզօրա-

գոյն և շինագոյն պարխպ իբր 30՝ տարակացք յերերաց , 20-30՝ բարձուիք . ներքինն հզօրագոյն և բարձրագոյն է , և յուղադոյն քան զարաքքինն ունի զաշտարական . որք իբր 130՝ հեռիք են յիրերաց , շառք բոլորչիք և ոչ սակաւ քառակուսիք և անկիւնաւորք , ոմանք յարքայինց մերոց շինեալք , և յուղք 'ի բնակչաց քաղաքին յաւուրս աշխարհակալութեան Զաքարիայի սպասալարի և Թագաւորացն Վրաց . ոմանք միայրիք և ոմանք կրկին կամ եռայրիք , համակ քարաշէն և կամարակապ , 'ի Թիսակերպ և յայլագոյն լաւաքարանց . յորոց վերայ ոչ սակաւ արձանագիրք և բազմագոյն ևս խաչարձանք և գրուագք զարդուց գոն : Երկու գրուիք երևին արտաքին պարըսպացն և հինգ ներքնոյն . մի յարևելից , միս յարևմտից՝ որ է Ծաղկոցա-գուռն , և երեք 'ի հիւսիսոյ , որոց միջինն է Աւագ-գուռն , յորայ վերայ 'ի կողմանէ արտաքուստ քանդակեալ կայ առիւծ կամ ինձ 'ի գնացս . ընդ որ մտեալ 'ի ներքս՝ ահա յանդիման տարածի տիրախառն տեսարան կիսակործան և կիսականգուն քաղաքին , խառնիխուռն դերբուկք , հոլաբուրք ցածք , խոտագեօղնք , յորս գլխուար եկեղեցիքն են : — Ի հարաւային արևմտեան կողմն ևս անկեանն ընդ մէջ ձորոյն Ծաղկոցաց և Ախուրեան գետոյ՝ կան աւերակք արքունի Ապարանից 'ի բարձու քարափան , դիտակ և ահաւորահայեաց դրիւք և հզօր և Թանձր պարսպք , իբր 5 մայրիկենիւ շրջապատու-